

Z A P I S N I K

sa I redovne sjednice Vijeća Univerziteta u Sarajevu - Građevinski fakultet, održane dana 01.11.2023. godine, sa početkom u 11.00 sati, u sali 8 nastavne zgrade Fakulteta, ul. Patriotske lige br. 30.

PRISUTNI ČLANOVI:

Nastavnici i saradnici:

Prof.dr.Samir Dolarević, Prof.dr.Mustafa Hrasnica, Prof.dr.Emina Hadžić, Prof.dr.Admir Mulahusić, Prof.dr.Đenari Čerimagić, Prof.dr.Amra Serdarević, Prof.dr.Suvada Šuvalija, Prof.dr.Goran Simonović, Prof.dr.Nedim Tuno, Prof.dr.Emil Ilić-Georgijević, Prof.dr.Mirza Pozder, Prof.dr.Sanjin Albinović, Prof.dr.Naida Ademović, Prof.dr.Jusuf Topoljak, Prof.dr.Suada Sulejmanović, Prof.dr. Hata Milišić, Prof.dr.Senad Medić, Prof.dr. Ismar Imamović, Prof.dr.Žanasa Ljevo, Prof.dr.Adis Skejić, Prof.dr.Anis Balić, Doc.dr.Džanina Omićević, Doc.dr. Esad Vrce, Doc.dr.Emir Karavelić, Doc.dr. Emina Hadžalić, Doc.dr.Haris Kalajdžisalihović, Doc.dr.Emina Hajdo, Doc.dr. Ammar Šarić, Doc.dr. Alma Džubur, Doc.dr.Ajla Mulaomerović–Šeta, Doc.dr. Nerma Lazović, Doc.dr. Dževad Krdžalić, Viši asistent Nedim Kulo (G), Viši asistent Muamer Đidelića (G), Viši asistent Mladen Kapor (Geot.i geol.), Viši asistent Samir Suljević (K), Asistent Dževad Imamović (H), Asistent Adis Hamzić (G), Asistent Amina Karavelić (K), Mersiha Kvoco

Studenti: Željko Lozančić, Belma Hasanbašić, Amar Borić

Ostali prisutni: sekretar Sabina Bajrić, dipl.prav.

ODSUTNI ČLANOVI:

Nastavnici i saradnici:

Prof.dr.Adnan Ibrahimbegović, Prof.dr.Esad Mešić, Prof.dr.Azra Kurtović, Viši asistent Damir Hasanspahić (Mat.), Asistent Amila Mujčinović (Geot. i geol.)

Studenti: -----

Dekan je za sjednicu predložio sljedeći izmjenjen:

D N E V N I R E D:

- I Usvajanje Zapisnika sa XII (elektronske) sjednice Vijeća Univerziteta u Sarajevu – Građevinski fakultet, održane 03.10.2023. godine;
- II Usvajanje Prijedloga Poslovnika o radu Vijeća Univerziteta u sarajevu – Građevinski fakultet
- III Izvještaj Komisije za pripremanje prijedloga za izbor u zvanje redovni profesor za naučnu oblast “Konstrukcije“, jedan izvršilac sa punim radnim vremenom;
- IV Utvrđivanje prijedloga za raspisivanje konkursa za izbor u naučnonastavno zvanje:
- docent za naučnu oblast « Geodezija i geoinformatika », jedan izvršilac sa punim radnim vremenom,
- V Izvještaji Komisija za ocjenu i odbranu završnih radova :
 - a) Odsjek za geodeziju i geoinformatiku – studentica Amna Gagula
 - b) Odsjek za saobraćajnice – student Tarik Latović
 - c) Odsjek za geodeziju i geoinformatiku – studentica Šejla Kujović
- VI Saglasnost za angažman:
 - a) prof.dr. Esad Mešić, dipl.ing.građ. u studijskoj 2023./2024. godini na Državnom univerzitetu u Novom Pazaru;

- b) prof.dr. Naide Ademović, dipl.ing.građ., u studijskoj 2023./2024. godini na Univerzitetu u Sarajevu – Fakulteta za kriminalistiku, kriminologiju i sigurnosne studija;
- VII Molba studentice Maje (Ždrale) Koprivica za nastavak školovanja i naknadni upis u III semestar II ciklusa studijskog programa geodezija i geoinformatika, u svojstvu redovnog samofinansirajućeg studenta;
- VIII Primjedbe i prijedlozi na Nacrt Pravilnika o radu Univerziteta u Sarajevu i Nacrt Pravilnika o plaćama i naknadama osoblja Univerziteta u Sarajevu
- IX Izvještaj o realiziranim ispitima u akademskoj 2022/2023 godini – pregled prolaznosti
- X Saglasnost za pokretanje postupka izdavanje poslovnog prostora u zgradi Instituta za geotehniku i geologiju i skladišnog prostora.
- XI Razno

Ad/I

Članovi Vijeća su pozvani da se izjasne o Zapisniku sa XII (elektronske) sjednice Vijeća Univerziteta u Sarajevu – Građevinski fakultet, održane 03.10.2023. godine.

Na Zapisnik sa XII (elektronske) sjednice Vijeća Univerziteta u Sarajevu – Građevinski fakultet, održane 03.10.2023. godine, nije bilo primjedbi, te je isti jednoglasno usvojen.

Ad/II

Usvajanjem Statuta Univerziteta u Sarajevu (br. 01-14-35-1/23 od 26.07.2023.godine) utvrđena je potreba usaglašavanja opštih akata Univerziteta u Sarajevu – Građevinski fakultet sa istim.

Vijeću je dostavljen Prijedlog Poslovnika o radu Vijeća Univerziteta u Sarajevu – Građevinski fakultet.

Na dostavljeni P Prijedlog Poslovnika o radu nije bilo primjedbi, te je Vijeće donijelo sljedeću

O D L U K U

Usvaja se Poslovnik o radu Vijeća Univerziteta u Sarajevu – Građevinski fakultet br.02-1-1768/23 od 09.10.2023. godine, koji je sastavni dio ove Odluke.

Ad/III

Komisija za pripremanje prijedloga za izbor/napredovanje u naučnonastavno zvanje redovni profesor za naučnu oblast «Konstrukcije», po Konkursu objavljenim dana 29.08.2023. godine, podnijela je pisani Izvještaj Vijeću Univerziteta u Sarajevu – Građevinski fakultet.

Komisija je, nakon uvida u priloženu dokumentaciju, dosadašnji naučni, stručni i pedagoški rad kandidatkinje, u svom Izvještaju konstatovala da dr. sc. Naida Ademović, dipl.ing.građ. ispunjava sve formalne i suštinske uvjete za izbor/napredovanje u naučnonastavno zvanje redovni profesor, utvrđene odredbama Zakona o visokom obrazovanju ("Službene novine Kantona Sarajevo", broj: 33/17, 35/20, 40/20 i 39/21), da ima veliko iskustvo u nastavnom, stručnom, pedagoškom i naučnoistraživačkom polju rada, da ima veliki broj objavljenih stručnih radova iz oblasti „Konstrukcija“, te učešće u velikom broju domaćih i međunarodnih naučno-istraživačkih i stručnih projekata i elaborata.

Komisija je predložila Vijeću Univerziteta u Sarajevu – Građevinski fakultet da usvoji Izvještaj Komisije za pripremanje prijedloga za izbor/napredovanje u naučnonastavno zvanje redovni profesor za naučnu oblast «Konstrukcije», zaveden pod brojem: 03-2-1008-9/23 od 25.10.2023.godine i utvrdi prijedlog da se dr.sc. Naida Ademović, dipl.ing.građ. izabere u naučnonastavno zvanje redovni profesor za naučnu oblast «Konstrukcije» na Univerzitetu u Sarajevu – Građevinski fakultet.

Nakon upoznavanja sa Izvještajem Komisije za pripremanje prijedloga za izbor u naučnonastavno zvanje redovni profesor za naučnu oblast «Konstrukcije», zaveden pod brojem: 03-2-1008-9/23 od 25.10.2023.godine i tajno provedenog glasanja, Vijeće Univerziteta u Sarajevu–Građevinski fakultet je sa većinom glasova (42 glasova „ZA“, 3 glasa „PROTIV“) donijelo sljedeću

ODLUKU

I

Usvaja se Izvještaj Komisije za pripremanje prijedloga za izbor/napredovanje u naučnonastavno zvanje redovni profesor za naučnu oblast «Konstrukcije», zaveden pod brojem: 03-2-1008-9/23 od 25.10.2023.godine.

II

Utvrđuje se prijedlog za izbor dr.sc. Naide Ademović, dipl.ing.građ. u naučnonastavno zvanje redovni profesor za naučnu oblast «Konstrukcije» na Univerzitetu u Sarajevu – Građevinski fakultet.

III

Odluku dostaviti Senatu Univerziteta u Sarajevu na dalji postupak.

Ad/IV

Na prijedlog Odsjeka za geodeziju i geoinformatiku, Vijeće je jednoglasno donijelo sljedeću:

ODLUKU

o utvrđivanju prijedloga za raspisivanje konkursa

I

Utvrđuje se prijedlog za raspisivanje konkursa za izbor u naučnonastavno zvanje: docent za naučnu oblast "Geodezija i geoinformatika", jedan izvršilac sa punim radnim vremenom.

II

Utvrđivanje potrebe za raspisivanje konkursa za izbor akademskog osoblja u naučnonastavno zvanje docent za naučnu oblast "Geodezija i geoinformatika", jedan izvršilac sa punim radnim vremenom, predložio je Odsjek za geodeziju i geoinformatiku.

III

U Dinamičkom plana potreba za raspisivanje konkursa na Univerzitetu u Sarajevu–Građevinski fakultet za izbor u zvanje za 2023./2024. studijsku godina br. br.02-1-1491-1/23 od 20.09.2023.godine, u Tabela 3. KONKURSI ZA IZBOR U ISTO ILI VIŠE ZVANJE NASTAVNIKA - redni broj pod kojim se nalazi pozicija koja se predviđa konkursom za izbor koji je predmetom razmatranja grupacije/Senata je SEDAM (7).

IV

Uvjeti za izbor:

Kandidati za izbor u naučnonastavno zvanje docent treba da ispunjavaju opće zakonske uvjete i minimalne uvjete za izbor u naučnonastavno zvanje docent utvrđene članom 112 stav (2) tačka d) Zakona o visokom obrazovanju ("Službene novine Kantona Sarajevo", broj: 36/22) i članom 226 i 227 Statuta Univerziteta u Sarajevu(br.01-14-35-1/23 od 26.07.2023. godine).

- naučni stepen doktora u naučnoj oblasti na koju se bira, minimalno tri naučna rada objavljena u priznatim publikacijama, od čega je jedan naučni rad objavljen u publikaciji relevantnim naučnim bazama podataka, pokazane nastavničke sposobnosti;

Pored općih zakonskih i minimalnih uvjeta za izbor u naučnonastavno zvanje docent utvrđenih članom 112 stav (2) tačka d) Zakona o visokom obrazovanju ("Sl. novine Kantona Sarajevo", broj:36/22) i članom 226 i 227 Statuta Univerziteta u Sarajevu(br.01-14-35-1/23 od 26.07.2023. godine), kandidati trebaju da ispunjavaju i sljedeće uvjete:

- magistar geodezije i geoinformatike - diplomirani inženjer geodezije i geoinformatike, sa 300 ECTS bodova

V

Uz prijavu kandidati obavezno dostavljaju: Biografiju (CV) – u printanoj i elektronskoj formi na CD-u; Izvod iz matične knjige rođenih; Uvjerenje o državljanstvu Bosne i Hercegovine; Diplomom o stečenom naučnom stepenu doktora nauka ili Diplomom o završenom III ciklusu studija; Diplomom o stečenom naučnom stepenu magistra ili diplomom o završenom II ciklusu studija sa Dodatkom diplomi; Diplomom o završenoj odgovarajućoj visokoj stručnoj spremi (VSS) ili Diplomom o završenom I ciklusu studija sa Dodatkom diplomi; Bibliografiju u štampanoj i elektronskoj formi na CD; dokaz da su tri naučna rada objavljena u priznatim publikacijama, od čega je jedan naučni rad objavljen u publikaciji relevantnim naučnim bazama podataka, listu objavljenih radova, kao i same radove; druge dokaze o ispunjavanju uvjeta za izbor u

naučnonastavno zvanje docent za koje se prijavljuju, podatke o nagradama i priznanjima u vezi sa odgovarajućom naučnom oblasti.
Sva tražena dokumentacija mora biti u originalu ili ovjerenoj kopiji.

VI

Postupak izbora akademskog osoblja, odredbe o značenju pojmova, načinu vrednovanja prilikom izbora u zvanje, kao i ostali bitni elementi za izbor u zvanje, navedeni su u Zakonu o visokom obrazovanju Kantona Sarajevo ("Sl. novine Kantona Sarajevo", broj: 36/22) i u Statutu Univerziteta u Sarajevu (br.01-14-35-1/23 od 26.07.2023. godine).

Ugovor o radu će se zaključiti sa kandidatom izabranim u naučnonastavno zvanje docent za izborni period utvrđen Zakonom o visokom obrazovanju ("Sl. novine Kantona Sarajevo", br.:36/22).

VII

Odluku dostaviti na saglasnost Senatu Univerziteta u Sarajevu.

Ad/V

Vijeće je donijelo sljedeće odluke:

a)

O D L U K A

I

Usvaja se Izvještaj Komisije za ocjenu i odbranu završnog rada studentice II (drugog) ciklusa studijskog programa Geodezija i geoinformatika, Amne Gagula, pod naslovom "Identifikacija, valorizacija i zaštita geodetske pisane baštine", pod brojem: 06-2-1778-1/23 od 16.10.2023. godine.

II

Prihvata se završni rad studentice Amne Gagula, pod naslovom "Identifikacija, valorizacija i zaštita geodetske pisane baštine" i odobrava odbrana završnog rada.

b)

O D L U K A

I

Usvaja se Izvještaj Komisije za ocjenu i odbranu završnog rada studenta II (drugog) ciklusa studijskog programa Građevinarstva, smjer Saobraćajnice, Tarika Latovića, pod naslovom "Idejno rješenje saobraćajnice Gračanica – Gradačac ranga magistralne ceste", pod brojem: 06-2-1780-1/23 od 16.10.2023. godine.

II

Prihvata se završni rad studenta Tarika Latovića, pod naslovom "Idejno rješenje saobraćajnice Gračanica – Gradačac ranga magistralne ceste" i odobrava odbrana završnog rada.

c)

O D L U K A

I

Usvaja se Izvještaj Komisije za ocjenu i odbranu završnog rada studentice II (drugog) ciklusa studijskog programa Geodezija i geoinformatika, Šejle Kujović, pod naslovom "Određivanje kvazigeoida za područje Sarajeva primjenom geostatističkih metoda", pod brojem: 06-2-1955-1/23 od 31.10.2023. godine.

II

Prihvata se završni rad studentice Šejle Kujović, pod naslovom "Određivanje kvazigeoida za područje Sarajeva primjenom geostatističkih metoda" i odobrava odbrana završnog rada.

VI a) Rješavajući po Zahtjevu za saglasnost za angažman podnesen od prof.dr. Esada Mešića, dipl.ing.građ., br. 02-1-1734-1/23 od 05.10.2023. godine, Vijeće je donijelo

O D L U K U

o saglasnosti za angažman na drugoj visokoškolskoj ustanovi

Daje se saglasnost prof.dr. Esadu Mešiću, dipl.inž.građ., zaposlenom na Univerzitetu u Sarajevu – Građevinski fakultet sa punim radnim vremenom, za angažman u realizaciji

nastavnonaučnog procesa na Državnom univerzitetu u Novom Pazaru, Republika Srbija, u studijskoj 2023./2024. godini sa ukupnim opterećenjem:
- 2 časa predavanja sedmično u V semestru na nastavnom predmetu "Drvene konstrukcije".

- a) Rješavajući po Zahtjevu za saglasnost za angažman podnesen od prof.dr. Naide Ademović, dipl.ing.građ., br.02-1-1779-2/23 od 11.10.2023. godine, Vijeće je donijelo

O D L U K U
o saglasnosti za angažman na drugoj organizacionoj jedinici
Univerziteta u Sarajevu

Daje se saglasnost prof.dr. Naidi Ademović, dipl.ing.građ., zaposlenoj na Univerzitetu u Sarajevu – Građevinski fakultet, sa punim radnim vremenom, za angažman u realizaciji nastavnonaučnog procesa na Univerzitetu u Sarajevu – Fakultet za kriminalistiku, kriminologiju i sigurnosne studije u akademskoj 2023/24.godini za nastavne predmete:
- "Sigurnost urbanih struktura i građevina" u zimskom semestru, sa 2 časa predavanja i 1 čas vježbi sedmično;

Ad/VII

Maja (Ždrala) Koprivica se obratila Vijeću sa Molbom br. 06-2-1731/23 od 03.10.2023. godine za nastavak školovanja i upis u drugu godinu – III semestar II ciklusa studija studijskog programa geodezije i geoinformatike, u akademskoj 2023./2024. godini, u statusu redovnog samofinansirajućeg studenta. Cijeneći opravdanost razloga, mogućnosti predviđene Zakonom o visokom obrazovanju i Statutom Univerziteta u Sarajevu, Vijeće je donijelo

O D L U K U

I

Odobrava se Maji (Ždrala) Koprivica nastavak školovanja na Univerzitetu u Sarajevu – Građevinski fakultet na II ciklusu studija geodezije i geoinformatike u akademskoj 2023./2024. godini, u statusu redovnog samofinansirajućeg studenta.

II

Plan i program studija po kojem je imenovana studentica upisana na studij geodezije i geoinformatike je nepromjenjen, te nije potrebno vršiti ekvivalenciju položenih ispita.

III

Nalaže se studentskoj službi da za imenovanu studenticu utvrdi ispunjenost uvjeta i propisane obaveze za naknadni upis u odgovarajući semestar u skladu sa Pravilima studiranja za prvi ciklus studija na Univerzitetu u Sarajevu, te u skladu s tim izvrši upis u odgovarajuću godinu i semestar studija studijskog programa geodezije i geoinformatike u akademskoj 2023./2024. godini.

Ad/VIII

- a) U skladu sa Zaključkom Senata Univerziteta u Sarajevu br. 01-15-23/23 od 27.09.2023. godine o javnoj raspravi o opštim atima, na prijedlog prodekana za nastavno – naučni rad, Vijeće je donijelo sljedeći:

Z A K L J U Č A K

I

Utvrđuju se primjedbe na Nacrt Pravilnika o plaćama i naknadama osoblja Univerziteta u Sarajevu kako slijedi:

Naziv članice	Univerzitet u Sarajevu – Građevinski fakultet
Opća zapažanja 1	U pojedinim članovima pravilnik nije usaglašen sa zakonom o visokom obrazovanju kantona Sarajevo i Statutom Univerziteta u Sarajevu Članu 46 stav 1 (stručnjaci iz prakse) predviđa samo naknadu za održavanje vježbi , a ima i

		kolizija sa stavom 3 istog člana (broj sati predavanja na pojedinačnom predmetu) Uvidom U Zakon o visokom obrazovanju KS (član 136) i Statut UNSA (član 243) nije precizirano da stručnjaci iz prakse održavaju samo vježbe
Pojedinačni prijedlozi 2		
Član 44. (Metodologije izračuna naknade za profesora emeritusa) (4) Isplata naknade za profesora emeritusa vrši se iz raspoloživih sredstava članice Univerziteta, u skladu sa vrstom prihoda studijskog programa članice Univerziteta.	Prijedlog izmjene/dopune	Isplata naknade za profesora emeritusa vrši se iz raspoloživih sredstava
	Obrazloženje	U stavu 4 Člana 44 je navedeno da se isplata vrši iz raspoloživih sredstava članice. To bi značilo da se isplata vrši samo iz vlastitih sredstava što je neprihvatljivo Studijski program na I. I II. ciklusu nisu komercijalni studijski programi odnosno prihodi studijskog programa (od upisa i školarina) su sredstva budžeta Kantona Sarajevo te članice ne raspoložu sa istim
Član 45. (Metodologije izračuna naknade za eksperte iz prakse)	Prijedlog izmjene/dopune	Dopuniti član sa formulom za izračun koeficijenta Kv Stav 5 se poziva na odredbe člana 4 – izbaciti poveznicu na član 4
	Obrazloženje	U stavu 5 je navedeno: Ukoliko ekspert iz prakse izvodi vježbe, za obračuna naknade sati vježbi primjenjuju se odredbe člana IV a koeficijenti Kp i Kv sabiraju, s tim da ukupna vrijednost ne može biti veća od 0,5 ali formula za koeficijent Kv nije navedena Stav 5 se poziva na odredbe člana 4 - nije jasna poveznica
Član 45. (Metodologije izračuna naknade za eksperte iz prakse) Stav 6 Isplata naknade za eksperte iz prakse vrši se iz raspoloživih sredstava članice Univerziteta, u skladu sa vrstom prihoda studijskog programa članice Univerziteta.	Prijedlog izmjene/dopune	Isplata naknade za eksperte iz prakse vrši se iz raspoloživih sredstava
	Obrazloženje	U stavu 6 Člana 45 je navedeno da se isplata vrši iz raspoloživih sredstava članice. To bi značilo da se isplata vrši samo iz vlastitih sredstava što je neprihvatljivo Studijski program na I. I II. ciklusu nisu komercijalni studijski programi odnosno prihodi studijskog programa (od upisa i školarina) su sredstva budžeta Kantona Sarajevo te članice ne raspoložu sa istim
Član 46.	Prijedlog izmjene/dopune	Formulu za Nsip je potrebno dopuniti sa dodatnim koeficijentom Kd

(Metodologije izračuna naknade za stručnjake/mentore iz prakse)	Obrazloženje	Predloženi obračun naknade se vrši samo na osnovu semestralnog opterećenja Uvažavajući činjenicu da stručnjaci/mentori iz prakse mogu dodatno i značajno opterećeni (programski zadaci, seminarski radovi praktična nastava i druge semestrane aktivnosti) potrebno je uvesti dodatni koeficijent Kd (1-3) na osnovu kojeg će dekani (na prijedlog prodekana uas nastavu) imati mogućnost povećanja mjesečne naknade u skladu sa raspoloživim sredstvima Predložena formula predviđa nisku vrijednost mjesečnih honorara specijalno jer ne tretira dodatna opterećenja što ima za posljedicu odustajanja od angažmana stručnjaka/mentora iz prakse i otežane realizacije nastavnog procesa
Član 46. (5) Isplata naknade za stručnjake/mentore iz prakse vrši se iz raspoloživih sredstava članice Univerziteta, u skladu sa vrstom prihoda studijskog programa članice Univerziteta.	Prijedlog izmjene/dopune	Isplata naknade za stručnjake/mentore iz prakse vrši se iz raspoloživih sredstava
	Obrazloženje	U stavu 5 Člana 46 je navedeno da se isplata vrši iz raspoloživih sredstava članice. To bi značilo da se isplata vrši samo iz vlastitih sredstava što je neprihvatljivo Studijski program na I. I II. ciklusu nisu komercijalni studijski programi odnosno prihodi studijskog programa (od upisa i školarina) su sredstva budžeta Kantona Sarajevo te članice ne raspolazu sa istim
Član 47. Stav 2 u vezi sa stavom 3	Prijedlog izmjene/dopune	(2) Iznos mjesečne naknade po predmetu za studenta demonstratora je 50% visine osnovice za obračun plaće u skladu sa Kolektivnim ugovorom za djelatnost visokog obrazovanja i nauke na Univerzitetu u Sarajevu.
	Obrazloženje	U stavu 2 je definisana visina mjesečne naknade za studenta demonstratora – dopuniti „po predmetu“. Predloženi stav 2 a u vezi sa stavom tri ograničava fiksni iznos mjesečne naknade bez obzira na broj predmeta
Član 47. Stav 4	Prijedlog izmjene/dopune	(4) Isplata naknade za studenta demonstratora vrši se iz raspoloživih sredstava putem studentskog servisa ili ugovora o privremenim poslovima.
	Obrazloženje	U stavu 4 Člana 47 je navedeno da se isplata vrši iz raspoloživih sredstava članice. To bi značilo da se isplata vrši samo iz vlastitih sredstava što je neprihvatljivo.

II

Popunjen obrazac sa prijedlogom, primjedbom i komentarom na dostavljeni dokument dostaviti nadležnoj službi Univerziteta u Sarajevu na dalju proceduru.

b) U skladu sa Zaključkom Senata Univerziteta u Sarajevu br. 01-15-23/23 od 27.09.2023. godine o javnoj raspravi o opštim atima, na prijedlog bibliotekara, Vijeće je donijelo sljedeći:

ZAKLJUČAK

I

Utvrđuju se primjedbe na Nacrt Pravilnika o radu Univerziteta u Sarajevu kako slijedi:

<i>Naziv članice</i>		Univerzitet u Sarajevu – Građevinski fakultet
<i>Opća zapažanja</i> ³		U predloženom Nacrtu Pravilnika o radu UNSA u čl. 109, st. (4) uopće nisu uzeta u obzir osnovna stručna zvanja u bibliotečkoj djelatnosti, niti minimalni uvjeti na osnovu kojih se stječu ista ta zvanja (a na osnovu važećih zakona, propisa), kao ni planovi i programi Univerziteta u Sarajevu – Filozofskog fakulteta na kojem se stječu osnovna akademska zvanja u oblasti bibliotekarstva/informacijskih nauka.
<i>Pojedinačni prijedlozi</i> ⁴		
<i>Navesti poglavlje/član/stav</i>	<i>Prijedlog izmjene/dopune</i>	Čl. 109, st. (4) Viši stručni saradnik, bibliotekar
	<i>Obrazloženje</i>	<p>Izmjena se traži na osnovu sljedećih propisa i dokumenata: Pravilnik o stručnim zvanjima u bibliotečkoj djelatnosti (Službene novine FBiH 24/1997), Osnove kvalifikacijskog okvira u BiH (Službeni list BiH, br. 10/2017) i Nastavni plan i program Univerziteta u Sarajevu – Filozofskog fakulteta, Odsjek za komparativnu književnost i informacijske nauke (prethodno Odsjek za komparativnu književnost i bibliotekarstvo) 2019/2020.</p> <p>Prema Nastavnom planu i programu Univerziteta u Sarajevu – Filozofskog fakulteta, Odsjek za komparativnu književnost i informacijske nauke (prethodno Odsjek za komparativnu književnost i bibliotekarstvo) str. 13, samo osoba koja je završila 2. ciklus studija/VSS može obavljati najsloženije stručne poslove iz oblasti bibliotekarstva. Studij je koncipiran prema modelu 3 + 2. Također, Pravilnikom o stručnim zvanjima u bibliotečkoj djelatnosti u čl. 7, između ostalog, navedeno je da osnovno stručno zvanje bibliotekar može steći samo lice koje je završilo studij bibliotekarstva. Budući da je Pravilnik o stručnim zvanjima donesen prije bolonjske reforme, studijem se smatra završen studij u trajanju od četiri godine kojim se sticala visoka stručna sprema (VSS), pa se stoga bibliotekar ne može sistematizirati na mjesto na kojem je kao minimalan uvjet za zasnivanje radnog odnosa propisano 180 ECTS i VŠS.</p> <p>Poslovi stručne obrade građe, rad u specijaliziranim bibliotečko-bibliografskim sistemima, izrade bibliografija (naročito personalnih bibliografija nastavnog i naučnog</p>

		<p>osoblja), rješavanja kompleksnih korisničkih upita, edukacija korisnika itd., a koje bibliotekari organizacionih jedinica obavljaju, upravo spadaju u složene poslove.</p> <p>Zbog svega navedenog bibliotekar treba biti naveden u kategoriji u kojoj je kao minimum uvjeta za zanimanje radnog odnosa propisano VSS/240-300 ECTS.</p>
<p><i>Navesti poglavlje/član/stav</i></p>	<p><i>Prijedlog izmjene/dopune</i></p>	<p>Čl. 109, st. (4) Stručni saradnik, samostalni viši laborant, viši knjižničar</p>
	<p><i>Obrazloženje</i></p>	<p>Izmjena se traži na osnovu sljedećih propisa i dokumenata: Pravilnik o stručnim zvanjima u bibliotečkoj djelatnosti (Službene novine FBiH 24/1997), Osnove kvalifikacijskog okvira u BiH (Službeni list BiH, br. 10/2017) i Nastavni plan i program Univerziteta u Sarajevu – Filozofskog fakulteta, Odsjek za komparativnu književnost i informacijske nauke (prethodno Odsjek za komparativnu književnost i bibliotekarstvo) 2019/2020.</p> <p>Nacrtom Pravilnika o radu Univerziteta u Sarajevu mjesto višeg knjižničara nije predviđeno, iako je to osnovno stručno zvanje prema čl. 6 Pravilnika o stručnim zvanjima u bibliotečkoj djelatnosti. Istim Pravilnikom, budući da je donesen prije bolonjske reforme, za tu osobu je predviđena viša škola odnosno viša stručna sprema. Prema Osnovama kvalifikacijskog okvira u BiH višoj stručnoj spremi je ekvivalent bachelor, tj. završen prvi ciklus studija, što se odnosi na trogodišnji studij s 180 ECTS. Također, u Nastavnom planu i programu Univerziteta u Sarajevu – Filozofskog fakulteta, Odsjek za komparativnu književnost i informacijske nauke (prethodno Odsjek za komparativnu književnost i bibliotekarstvo) na str. 10 jasno je navedeno da student koji završi trogodišnji studijski ciklus može raditi na manje zahtjevnim stručnim poslovima u bibliotekama. Dakle, na mjestu na kojem je Nacrtom Pravilnika o radu sistematizirana pozicija stručnog saradnika, samostalnog višeg laboranta s VŠS-VSS/minimalno 180 ECTS, umjesto bibliotekara treba sistematizirati višeg knjižničara, tim više što je to prema važećim propisima jedno od tri osnovna zvanja u bibliotečkoj struci (pored bibliotekara i knjižničara).</p>

II

Popunjen obrazac sa prijedlogom, primjedbom i komentaram na dostavljeni dokument dostaviti nadležnoj službi Univerziteta u Sarajevu na dalju proceduru.

Ad/IX

Odredbama Zakona o visokom obrazovanju i Statuta Univerziteta u Sarajevu, utvrđena je obaveza pripremanja i razmatranja izvještaja o realiziranim ispitima u akademskoj godini. Prodekan za nastavno – naučni rad je sačinio Izvještaj o realiziranim ispitima u akademskoj 2022/2023 godini – pregled prolaznosti i isti dostavio Vijeću na razmatranje, te u skladu sa rezultatima iskazanim u predmetnom Izvještaju, utvrđivanje posebnih dodatnih mjera za njihovo unapređenje i poboljšanje. Vijeće je razmotrilo Izvještaj o realiziranim ispitima u akademskoj 2022/2023 godini – pregled prolaznosti, te donijelo sljedeću

O D L U K U

I

Prihvata se Izvještaj o realiziranim ispitima u akademskoj 2022/2023 godini – pregled prolaznosti br. 02-1-1944/23 od 27.10.2023. godine podnesen od prof.dr. Mirze Pozdera, dipl.ing.građ. – prodekana za nastavno – naučni rad, u kojem je dat pregled prolaznosti za održane ispite u akademskoj 2023./2023. godini.

II

S obzirom na rezultate iskazane u navedenom Izvještaju, Vijeće Univerziteta u Sarajevu – Građevinski fakultet nije utvrdilo posebne dodatne mjere za njihovo unapređenje i poboljšanje.

III

Izvještaj o realiziranim ispitima u akademskoj 2022/2023 godini – pregled prolaznosti br. 02-1-1944/23 od 27.10.2023. godine će biti dostavljeni na uvid odsjecima i katedrama Univerziteta u Sarajevu – Građevinski fakultet

Ad/X

Komisije za poslovne prostore Univerziteta u Sarajevu – Građevinski fakultet je dostavila prijedlog za ponovno pokretanje procedure za izdavanje poslovnih prostora koji se nalaze u suterenskom dijelu objekta Instituta za geotehniku i geologiju Univerziteta u Sarajevu – Građevinski fakulteta u ulici Stjepana Tomića 3, površine 141,21 m² i pomoćnog skladišnog prostora – hangara, koji se nalazi uz ulicu Patriotske lige ukupne korisne površine 110,00 m².

Vijeće je razmotrilo Izvještaj o realiziranim ispitima u akademskoj 2022/2023 godini – pregled prolaznosti, te donijelo sljedeću

O D L U K U

I

Prihvata se prijedlog Komisije za poslovne prostore Univerziteta u Sarajevu – Građevinski fakultet i daje se saglasnost dekani Univerziteta u Sarajevu – Građevinski fakultet da pokrene postupak izdavanja u zakup poslovnih prostora:

1. a) poslovni prostor koji se nalazi u suterenskom dijelu objekta Instituta za geotehniku i geologiju Univerziteta u Sarajevu – Građevinski fakulteta u ulici Stjepana Tomića 3, k.č. br. 40/19, općina Centar, katastarska općina Sarajevo IV koji se sastoji od četiri (4) kancelarije, toaleta i hodnika, ukupne korisne površine 141,21 m², sa pravom korištenja zajedničkih prostorija u objektu, za koji postoje objektivne mogućnosti za iznajmljivanje,
b) minimalna cijena zakupnine u iznosu od 10 KM/m² bez PDV, troškovi komunalnih naknada: potrošnja električne energije, grijanja, vode i odvoza smeća u paušalnom iznosu od 100,00 KM mjesečno, a troškovi potrošnje plina ili drugog energenta za zagrijavanje poslovnog prostora po mjesečnom obračunu srazmjerno kvadraturi zakupljenog poslovnog prostora.
c) navedeni prostor će biti iznajmljen u zatečenom stanju na period od devetnaest (19) mjeseci
2. a) pomoćni skladišni prostor – hangar, koji se nalazi uz ulicu Patriotske lige ukupne korisne površine 110,00 m², k.č. br. 40/15, općina Centar, katastarska općina Sarajevo IV,
b) minimalna cijena zakupnine u iznosu od 6,00 KM/m² bez PDV,
c) navedeni prostor će biti iznajmljen u zatečenom stanju na period od dvanaest (12) mjeseci

II

Poslovni prostori koji su predmeti zakupa će biti namjenjeni za obavljanje djelatnosti u skladu sa prijedlogom Komisije za poslovne prostore Univerziteta u Sarajevu – Građevinski fakultet.

III

Poslovni prostori će biti iznajmljeni nakon okončanja postupka oglašavanja i provođenja utvrđene procedure u skladu sa pozitivnim zakonskim propisima i propisima Univerziteta u Sarajevu iz predmetne oblasti.

IV

Početni iznosi zakupnina navedeni u prijedlogu Komisije za poslovne prostore Univerziteta u Sarajevu - Građevinski fakultet u skladu je sa pozitivnim zakonskim propisima i podzakonskim aktima iz predmetne oblasti.

Ad/XI


Na prijedlog dekana - *Institucionalna podrška Nacrtu Zakona o izmjenama i dopunama Zakona o prostornom planiranju i korištenju zemljišta na nivou Federacije BiH kroz kojim je predviđeno osnivanje Komore inženjera u građevinarstvu FBiH, broj: 01-2-1958/23 od 30.10.2023. godine*, Vijeće je donijelo

ZAKLJUČAK

1. Vijeće Univerziteta u Sarajevu – Građevinski fakultet je nakon razmatranja dopisa dekana Univerziteta u Sarajevu – Građevinski fakultet - *Institucionalna podrška Nacrtu Zakona o izmjenama i dopunama Zakona o prostornom planiranju i korištenju zemljišta na nivou Federacije BiH kroz koji je predviđeno osnivanje Komore inženjera u građevinarstvu FBiH, broj: 01-2-1958/23 od 30.10.2023. godine*, **jednoglasno podržalo (45:0) osnivanje Komore inženjera u građevinarstvu Federacije Bosne i Hercegovine** predviđene predmetnim Nacrtom Zakona.
2. Vijeće Univerziteta u Sarajevu – Građevinski fakultet **ima primjedbu na član 98c) stav 4.** predmetnog Nacrta Zakona. Naime, Vijeće smatra da pri biranju članova Skupštine Komore treba voditi računa o broju inženjera koji djeluju na području pojedinih kantona, te da zastupljenost članova u Skupštini Komore ispred svakog kantona ne bi trebala biti ista. Zastupljenost bi se mogla utvrditi prema sljedećim kriterijima:
 - broju članova kantonalnih komora;
 - broju inženjera sa položenim stručnim ispitom na području pojedinog kantona;
 - ili na neki drugi način koji će uzeti u obzir broj inženjera u građevinarstvu po pojedinim kantonima.
3. Ovaj Zaključak Vijeća Univerziteta u Sarajevu – Građevinski fakultet će biti dostavljen Federalnom ministarstvu prostornog uređenja.


Sjednica Vijeća završena u 11.40 sati.

Zapisnik vodija
Sabina Bajrić



DEKAN

Prof.dr. Samir Dolarević, dipl.ing.građ.



02-1-1947-1/k3

06.11.2023